

KAEDAH DAN PERATURAN IMPORT EKSPORT KAYU-KAYAN

TIMBER IMPORT EXPORT RULES AND
REGULATIONS (TIER)



KATA PENGANTAR

السلام عليكم ورحمة الله وبركاته

Salam Sejahtera,

MTIB ditubuhkan di bawah Akta Lembaga Perindustrian Kayu Malaysia (Permerbadanan) 1975 [Akta 105]. Salah satu fungsi dan tugas MTIB di bawah Seksyen 12, Akta 105 adalah mengawal selia, mengawal perdagangan, pemasaran dan pengedaran kayu. Buletin Eksport Kayu-Kayan atau Timber Export Bulletin (TEB) merupakan suatu peraturan pengeksportan yang telah dikuatkuasakan pemakaiannya kepada semua pengeksport kayu semenjak tahun 1987. Ia mengandungi peraturan-peraturan yang meliputi sekatan-sekatan tertentu bagi tujuan kawalan ke atas pengeksportan keluaran kayu. Sehingga kini sebanyak 68 buah TEB telah dikeluarkan mulai tahun 1987 hingga 2006. MTIB telah menubuhkan jawatankuasa teknikal yang telah menyemak dan memperkemaskan TEB sedia ada. Hasil dari semakan tersebut hanya 33 buah TEB sahaja yang masih terpakai dan ianya boleh dikategorikan seperti berikut:

- i. Peraturan import dan eksport yang dikumpulkan sebagai Kaedah dan Peraturan Import Eksport Kayu-Kayan (22 keluaran)
- ii. Panduan Teknikal (8 keluaran)
- iii. Dipindahkan ke ITG 2018 (1 keluaran)
- iv. Pembatalan (2 keluaran)

TEB yang terpakai dan ditambahbaik telah dibukukan dengan nama Kaedah dan Peraturan Import Eksport Kayu-Kayan atau "Timber Import Export Rules and Regulations (TIER)". Kandungan TIER adalah seperti berikut:

- i. Definisi
 - Menerangkan definisi-definisi di bawah TIER.
- ii. Seksyen A (Syarat dan Sekatan Utama)
 - Seksyen ini menerangkan tempoh sah lesen, ses dan pemeriksaan kayu.
- iii. Seksyen B (Import)
 - Seksyen ini menerangkan peraturan pengimportan kayu dan keluaran kayu.
- iv. Seksyen C (Eksport)
 - Seksyen ini menerangkan peraturan pengeksportan kayu dan keluaran kayu.

Adalah menjadi harapan saya dengan terhasilnya TIER ini akan menjadi suatu peraturan dan panduan kepada pembekal, pengeksport dan pengimport kayu.

Saya juga ingin mengambil kesempatan ini untuk mengucapkan penghargaan dan terima kasih kepada ahli-ahli jawatankuasa teknikal di atas sumbangan mereka yang tidak ternilai dan usaha yang berterusan bagi penyediaan dokumen ini.

Sekian.



MOHD KHEIRUDDIN MOHD RANI
Ketua Pengarah
Lembaga Perindustrian Kayu Malaysia

ISI KANDUNGAN

ISI KANDUNGAN	MUKA SURAT
DEFINISI	1-5
SEKSYEN A – SYARAT DAN SEKATAN UTAMA	
1. TEMPOH SAH LESEN	7
2. SES	7
3. PEMERIKSAAN FIZIKAL KAYU	7
4. SYARAT DAN SEKATAN	7
SEKSYEN B – IMPORT	
1. JENIS KAYU DAN KELUARAN KAYU	9
2. LARANGAN PENGIMPORAN	9
3. PERMOHONAN PERMIT/SIJIL CITES	9
SEKSYEN C – EKSPORT	
1. KAYU BALAK	11
2. KAYU JARAS	11
3. MEMPULUR BALAK BERKUPAS	11
4. BALAK PALMA	11
5. BALAK TANAMAN	11
6. KAYU BAKAU	11
7. KAYU GERGAJI	11-12
8. KAYU GERGAJI DALAM KUMPULAN	13
9. KAYU PALANG	14
10. KAYU LANDASAN DAN LINTASAN KERETAPI	14
11. "BAULKS"	14
12. KAYU GETAH BERGERGAJI	14
13. PENANDAAN NOMBOR LOT BUNGKUSAN	15
14. KELUARAN KAYU LAIN	16
14.1 KAYU S1S, S2S DAN S3S	16
14.2 KAYU BERKETAM (S4S)	16
14.3 KAYU E1E, E2E, E3E DAN E4E	16
14.4 KOMPONEN PERABOT	16
14.5 KAYU GETAH BERGERGAJI YANG DITANGGAM JEJARI	16-17
14.6 KAYU PANCANG PERTANIAN	17
14.7 KAYU ALAT ANGKUT TIDAK DIPASANG	17
14.8 PENGADANG GELONGSOR DAN BALAK DATAR	17-18

15. PERMOHONAN PERMIT/SIJIL CITES	18
16. KELUARAN BUKAN KAYU	19
16.1 ROTAN	19
16.2 BULUH	19
LAMPIRAN A - PERINTAH SES KAYU	20-21
LAMPIRAN B - SENARAI PRODUK KAYU DAN KELUARAN KAYU YANG MEMERLUKAN LESEN/PERMIT IMPORT DAN LESEN EKSPORT MTIB	22-23
LAMPIRAN C - SENARAI SPESIS KAYU TERJADUAL DI BAWAH CITES	24-25
LAMPIRAN D - KAYU PANCANG PERTANIAN	26
LAMPIRAN E (I) – PENGADANG GELONGSOR DAN BALAK DATAR	27
LAMPIRAN E (II) – PENGADANG GELONGSOR DAN BALAK DATAR	28

DEFINISI

Melainkan sesuatu itu terjelas maksudnya di dalam peraturan ini, tafsiran di bawah hendaklah diikuti-

Balak	Mana-mana bahagian yang dipotong dari sebatang pokok berukuran perepang tidak kurang dari 12 inci (30 cm) pada hujung yang terbesar, yang belum disediakan untuk kegunaan selain daripada dibuang kulit dan dahannya atau masih mempunyai kulit.
Balak Palma	Batang sawit, batang kelapa, batang nibung dan semua jenis palma yang seumpamanya.
Balak Tanaman	Mana-mana bahagian yang dipotong dari sebatang pokok yang ditanam di dalam kawasan berskala kecil (bawah 40 hektar) selain daripada hutan simpan dan hutan tanah kerajaan yang belum diproses untuk kegunaan, selain daripada dibuang kulit dan dahannya atau masih mempunyai kulit.
Baulks	Kayu gergaji segi empat bujur (termasuk segi empat sama) yang mempunyai luas muka keratan 60 inci persegi dan ke atas.
Beruli	Kayu gergaji yang mempunyai muka keratan segi empat bujur dan berukuran tebal yang sama atau melebihi setengah daripada ukuran lebarnya.
Eksport	Membawa atau menyebabkan dibawa keluar dari Malaysia melalui darat, laut atau udara atau meletakkan apa-apa kayu dalam suatu vesel, pengangkut atau pesawat udara bagi maksud supaya kayu itu dibawa keluar dari Malaysia melalui darat, laut atau udara.
Import	Membawa atau menyebabkan dibawa apa-apa kayu ke dalam Malaysia melalui darat, laut atau udara tetapi tidak termasuk transit kayu dan pemindahan kayu ke pengangkut lain yang "bona fide".
Kayu	Keluaran atau mana-mana daripada keluaran yang disenaraikan dalam Jadual Pertama, Akta 105.